

GALLIPOLI – TARDE = 1 A 0...L'INFLUENZA D'U PÌCCIONE

L'ha mann't Aldo "Diecipalazzine"
lunedì 04 maggio 2009

Jè ufficiale! Le sciucature d’u Tarde nuèstre so màlate! Tènene l’influenza d’u piccione… Madòòòò! Sta malattie pe passaje da ‘u piccione all’uomo, avaste sule ca u tuecche… ‘u piccione. Sineeeeeeeee… sule ce u tuecche. Perciò attenzione! Ce state mmijnze a ‘na strade e vedite ‘nu belle piccione ca stè passe, nonge u sciate tucanne. Ce ssacce! Putite dicere ad esembie: Ce sorte de piccione! Oppure: Muèrse d’u piccione!..C e ssacce… putite fischà… ma nonge u sciate tucanne pe mmò. L’OMS… organizzazione mondiale d’a sazìzze, ha ditte ca ‘u virus ha passate da ‘u puèrche o piccione pe colpe de qualche puèrche… nzevùse.

Vu me decite…accome jè ca le sciucature d’u Tarde nuestre honne pigghjate l’influenze? E mò v’u diche je… Avime sapute ca sta malattie se pigghje ind’alle poste achjuse… ce sacce… le discoteche… le naight cleb. Hagghje leggiute ca avaste c’ accàppe ind’a ‘nu poste addò ste ‘nu piccione cu l’influenze, po s’a ponne pigghjà pure l’otre. Beh! Stè cambiune ca tenime, so senzibbele o piccione e perciò stonne tutte cu ‘a frève.

Piccè…avita sapeje… ca sta frève, quanne a pigghje, te porte debulèzze… le jamme fanne giacheme giacheme … e nemmanghe ce te bive ‘u zabbajone t’arrepigghje cchiù. Accussì osce avime perse n’otra vòte pe colpe d’u piccione. ‘U cambe du Gallipoli no jè ‘nu cambe vère. Jè piccìnne e sintetiche… sine ‘nu cambe de calcète.

Le televisione stavéne mmijnze alle cristiane… tande ca se vedèvene cchiù càpe, ca sciucature. ‘Na vanne d’u cambe no se vedéve proprie piccè ‘u cameramenghje nonge a facéve a ‘nquadrà da addò stave. All’inizze d’a partite paréve fa ca le doje Presedende, BLASI e BARBA, s’avèvene mise d’accorde p’u parègge. Le doje squadre menavéne le pallùne alla cemenèfutte. Po ‘mbece ‘u Gallipoli ha fatte ‘u gol grazie a quidde pizzarròne du purtière nuestre, BARASSO… (cu digghja scettà ‘u palline). Può darse ca le doje capuzzùne nonge s’honno mise d’accorde suse o prizze.

Eppure apprime d’a partite, l’assessore CONTINO ha fatte ‘nu rjale a Barba… ma quidde no se n’ha futtùte nijnde. Avime fallite doje gol cu DA SILVA (‘u bedòne) e SCIAUDONE, e po no s’ha capite cchiù nijnde. E accussì stame n’otra vòte ind’alle uaje, grazie alle sciucature ca s’honno pigghjàte l’influenze d’u piccione e nonge fuscèvene proprie mmijnze o cambe.

Bah uagnù… avime perse ‘a decima partite fòre de càse e ije stoche ‘nu picche scuresciute… a veretade… nonge me stoche a ssende tanda bbuène… le jamme… ’nu picche de debulezze… nahhhhhh no jè ca m’hagghje pigghjate pure ije l’influenze d’u piccinee? Ehehehe… buona epidemia a tutte quande… anné…